



Jens Frederik Nielsen
Inatsisartunut ilaasortaq, Demokraatit

Ilisimatusarfik pillugu – § 37 naapertorlugu apeqquutip nr. 77/2024-p akineqarnera

16-05-2024
Suliap normua: 2024 - 1595
All. nr. 24132320

Asasara Jens Frederik Nielsen

Postboks 1029
3900 Nuuk
Oqarasuaat:
+299 34 50 00
Email: ikin@nanoq.gl
www.nanoq.gl

Inatsisartut suleriaasiat naapertorlugu apeqquittinnut qujanaq. Apeqquutigineqartut tullinnguuttuni akissuteqarfigissavakka.

Apeqquut 1: Qanoq ilungersunartigisutut ilisimatusarfimmi maannakkorpiaq inissisimaneq ilisimatuut pisortallu amerlasuut, ilisimatusarfimmik qimagussornerat Naalakkersuisut misigaat?

Akissut: Ilisimatuut aqutsisullu nikerarnerat ilungersunartuuvoq. Naalakkersuisut ilisimatinneqarput arlallit atorfimminnit soraarniuteqarsimasut allallu napparsimanertik peqquutigalugu sulinnigiffeqareersimannikkunik sulinnigiffeqartut ilisimaaraat. Sulisut arlallit Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfimmut martsimi ernumaneq aallaavigalugu allagaqarnerisa kingorna soraarniuteqartut sulinnigiffeqartullu qanoq amerlatigineri erseqqinnerulerpoq. Tamatuma kingorna Naalakkersuisoqarfik APV-imik (sullivimmik nalilersuinermik) paasissutissiivigineqarpoq, taannalu takutitsivoq sullivimmi avatangiisit assut unaminartortaqartut.

Apeqquut 2: Naalakkersuisut tigussaasunik suliniuteqarnialersaarpat ilinniagartuut pikkorissut ilisimatuullu misilittagarluartut, ilisimatusarfimmiit qimagussornerat unitsinniarlugu?

a. Aappiuppat, suut?

b. Naamiuppat, sooq?

Akissut:

Naalakkersuisut ilisimatusarfimmi siulersuisut aqutsisullu isumasioqatigiisinniarlugit pilersaarusiorput, sullivimmi avatangiisinik pitsannngorsaanissaq isumasioqatigiisitsinermi qulakkeerniarneqarpoq. Taassuma saniatigut illuatungeriit attuumassutillit pingasuusut akornanni qanoq angorusutanik inissiisoqarnissaanik isumasioqatigiinnermi oqaasertalersuisoqarnissaa Naalakkersuisut kissaatigaat.

Siulersuisut massakkut atuuttut atuuffiat naalerpoq siulersuisullu nutaat maajip naanerani atuutilissapput. Sullivimmik nalilersuinerup kingorna suliniutit aallartinneqarnissaat kiisalu

sullivinni avatangiisit pitsanngorsaaviginissaat siulersuisut nutaassat suliassarilissavaat. Uanilu eqqaarusuppara, Iisimatusarfik pisortani imminut pigisuummat, siulersuisullu ulluinnarni aqutsinermut akisussaasuummata, kiisalu naalackersuisoqarfik ilisimatusarfillu ataavartumik oqaloqatigiittarmata.

Apeqqu 3: Naalackersuisut tigussaasunik suliutinik aallartitsinialersaarpat, ilisimatusarfiup ilisimatuunik soraattaaliuinissaanut, tassanilu suliffimmi atugassarititaasut pitsanngorsarnissaanut qulakkeerinnissinnaasunik?

a. Aappiuppat, suut?

b. Naamiuppat, sooq?

Akissut: Eqqaariikkattut siulersuisut ulluinnarni aqutsinermut akisussaasuuvoq tassunga ilaavoq sulisoqarnermut tunngasunut.

Siulersuisut massakkut atuuttut assigalugit siulersuisut nutaat Iisimatusarfimmi aqutsisut sullivimmi avatangiisinik pitsanngorsaanissamik suliniutit pillugit oqaloqatigiinnissaat kissaatigineqarpoq, matumani sulisut paarlakaannerujussui pillugit misissueqqissaarnek ilanngullugu.

Apeqqu 4: Suna pissutaava nunanit allanit ilisimatuut, piffissap ilaannaa sulisartut amerlassusaasa taama appariartigineranut?

Akissut: Iisimatusarfik malillugu nunat allanit ilisimatusartut ikiliartunngillat.

Iisimatusarfik assigiinngiiaartunik, najukkami nunaniillu allanit ilisimatusartoqarluni ilisimasamik misilittakkanillu siammasissunik Iisimatusarfimmut inuiaqatigiinnullu kalaallinut tunniussuisartunik sulisoqarpoq.

Apeqqu 4a Naalackersuisut nakuussutitut imaluunniit ajoqutaasutut isigaat, ilisimatusarfiup nunanit allanit ilisimatuunik piffissap ilaannaa tamakkiisorluunniit sulisitsisarnera? Annertunerusumik nassualaarisiuk.

Akissut: Iisimatusartut nunanit allaneersut amerlassusaat apeqqutaalluni ilisimatusarnermut ilinniartitsinermullu pitsaasumik sunniuteqartarput, avataanit isumassarsititseqataallutillu ilisimatitsisaramik.

Taamaattorli sunniuteqartarnerat ilisimatusartut nunanit allaneersut ilisimatusarnerup qaffasissusaanut minnerpaaffeqarlunilu annerpaaffeqarpoq, minnerpaaffimminiikkaangat suunngitsunnguamik ilisimatusartut isumassarsitsisarpur avataaniillu ilisimatusartut amerlavallaat najukkaangata nunaqavissunut ilinniagaqassutsip sunniuteqarnissaa ajornakusoornerusarpoq, avataaneersut sunniivallaartarnerat peqqutaalluni.

Nunanit allanit ilisimatusartut amerlanerpaaffissaannik siulersuisut aqutsisullu nalilersuinissaq suliassaraat.

Apeqqu 4b: Iisimatusarfik ilisimatuunut nunanit allaneersunut, ilaannakumik piffissarluunniit tamakkerlugu sulisitaminut nutaanik piumasaqaateqalerami?

i. Aappiuppat, suut piumasaqaatit aammalu sooq?

Akissut: Iisimatuunut nunanit allaneersunut nutaanik piumasaqaateqartoqarsimanersoq Naalackersuisut ilisimasaqanngillat. Iisimatusarfik pillugu Inatsisartut Inatsisaat nr. 12, 12 juni 2019-imeersumi tamanna atuarneqarsinnaavoq:

" § 29. Atorfinitsitsinerni atugassarititaasut pissutsillu sinneri, atorfeqarnerup nalaani pissutsit soraarsitsinerillu eqqarsaatigalugit, aalajangersakkanik Kalaallit Nunaanni Namminersorlutik Oqartussani atorfilinnut atuuttunik malinninnissamut Ilimatusarfik pisussaaffeqarpoq."

Apeqquut 5: Ajornartorsiummut paasissutissanik allanik peqartoqarpat, taakku paasissutissiissutigineqarnissaat kissaatigaara.

Akissut: Akissutit ukua tamarmik tunngavilerneqarnerisa kingorna erseqqissaassutigissallugu pingaaruteqarpoq Naalakkersuisut Ilimatusarfimmut ilitersuisussaataainganinnerat, tassami Ilimatusarfik suliffeqarfiuvoq pisortanit pigineqarluni namminersortoq. Tassunga paarlaallugu Ilimatusarfiup angusariaqagaanik ilimasunneq pillugu Naalakkersuisut Ilimatusarfiup siulersuisuinik ingerlaavartumik oqaloqateqartarput.

Inussiarnersumik inuulluaqqusillunga

Aquluaq B. Egede
